

Reala, UEFAko
bigarren kanporaketan

«Dinamo erakutsi duena baino askoz gehiago da»

Krauss: «Jokalariek barruan duten guztia eman beharko dute kanporaketa gainditzeko»

Bernd Krauss zuhur agertu zen atzoko entrenamenduaren ostean emandako prentsurrekoan. Barcelonaren porrota ahaztuta dagoela esan zuen, eta Dinamo Mosku uste baino askoz talde indartsuagoa dela. Entrenatzailearentzat Dinamok arriskatu egin behar du, eta, horregatik, «kontu handiarekin jokatu behar dugu. Partidua zaila izango da».

Andoni Urbistondo / Donostia

BERND KRAUSS ohi duen zuhurtziarekin mintzatu zen Realak Dinamo Moskuren aurkako partidua prestatzeko egin zuen azken entrenamenduaren ostean. Kanporaketa nahikoa bideratuta dagoela jakin arren, alemaniarra ez da fio. Barcelonaren aurkako porrota ahaztuta zegoela gogoratze-ko izan ziren bere lehen hitzak. «Atzo (igandean) hitz egin genuen horretaz. Azterketa sakona egin ere bai, baina jadanik ahaztuta dugu larunbateko partidua».

Dinamo Moskuren aurkako partidua oso zaila izango da Kraussentzat. Joaneke partidua jokatu baino lehenago Dinamo aurkako zaila zela esan zuela gogoratu zuen, eta Moskun 2-3 irabazi arren kanporaketa erabaki gabe dagoela gaineratu zuen: «Uste, esan eta idatzi dena baino hobeak dira errusiarrak, eta kanporaketa aurrera ateratzeko oso kontzentratuta jardun behar dugu. Jokalariek barruan duten guztia eman beharko dute».

UEFAko hirugarren kanporaketa jokatzera Realarentzat oso garrantzitsua izango dela esan zuen alemaniarrek. «Kanporaketa bakoitza gainditzek izena, prestijioa ematen dio taldeari. Jokalariek hala ulertzea espero dut».

Krauss: «Dinamok arriskatu beharra dauka» • Dinamo Mosku taldeak joaneke partiduko emaitza berdintzeko arriskatu beharra daukala esan zuen Krauss. «2-3koarekin gora egin behar dute, eta, horregatik, arreta handiarekin jokatu behar dugu». Entrenatzaileak Dinamok Rigaren aurka jokaturako lehen kanporaketako bideoa ikusi zutela esan zuen: «Rigako partiduan asko arriskatu zuten, presioa oso goian eginda, eta emaitza bikaina lortu zuten. Bihar Dinamo erasotzailea ikusiko dugu, eta horregatik arreta handia eduki behar da». Krauss ez zuen zehaztu Realat atzean zain geratu eta kontraerasora jokatu duen ala ez: «Partidua-



Bernd Krauss eta Roberto Lopez Ufarte, atzo Zubietan.

Bernd Krauss:

«Dinamo Mosku uste, esan eta idatzi dena baino hobe da. Niretzat joaneke partiduan ikusi genuena baino askoz talde hobe da Dinamo»

«Bigarren kanporaketa gainditzeko oso garrantzitsua da Realarentzat. Aintzat hartu behar da kanporaketa bakoitzak prestijioa ematen diola taldeari»

ren bilakaera ikusi arte ezin da taktika zehaztu.

Entrenatzaile alemaniarrek eskatu zuen Realeko zaleek tal-

dea animatzeko, bere ustetan animoei esker jokalariek «gogotsuago» bilatuko dutelako garai-pena. X

«Aitor Lopez Rekarte» Realeko jokalaria

«Aurrera egitea ez da erraza izango»

AITOR LOPEZ REKARTE jokalaria arrasatearrak ez zuen jokatu Bartzelonaren aurkako partiduan. Alabaina, Krausssek darman aldaketa politika kontuan hartuta, gaur jokatzeko aukera izan dezake. Kanporaketa aurrera ateratzeko lan asko egin beharko dela azpimarratu du Rekartek. Hala, Moskuko Dinamok min egiteko gai dela erakutsi zuela uste du.

Bartzelonaren aurkako partiduan aulkian egon zinen. Moskuko Dinamoren aurkako partiduan hasierako hamaikakoan izango zarela uste duzu?

Beno, ez dakit bada. Beti entzuten dira zurrumurruek eta horrelakoak, baina guk oraindik ez dakigu ezertxo ere. Nik ez dakit jokatu duen ala ez. Beti

bezala, astero guztiok egiten dugun moduan, gogor entrenatu naiz bihar jokatzeko, baina oraindik ez dakit ezer.

Moskuko Dinamoren aurkako partidua bezperako entrenamenduan gogotsu aritu zarete guztiak ere.

Beno, egia esan, gaurko entrenamendua (atzokoa, irakurlearentzat) nahiko bizia izan da, hori bai. Baina hori oso ona da guztiontzat, biharko partiduari begira garrantzitsua da, jendea puntu-puntu egotea garrantzitsua da-eta. Jokatzeko duenak jokatzeko duela, garrantzitsua da bizitasun hori.

Moskun kanporaketa erabakita uzteko moduan izan zineten arren, ez zenuten aukera hori aprobetxatu. Oraindik kanpo-

raketa aurrera ateratzeko nahikoa lan egin beharko da, ezta?

Bai, hori garbi dago. Joaneke partiduko lehenengo zatian 0-3 irabazten joan eta gero, partidua amaieran ez genuen oso gustura bukatu, batik bat jokalariek. Hala, biharko partiduan zaleak gustura utzi nahi ditugu, eta era berean geure buruarekin ere gustura sentitu nahi dugu. Egia da Moskuko Dinamo ez dela oso fin ibili, ez ligan, ez eta gure aurkako partiduan ere. Baina gauzak zail jarriko dizkigute, hori ziur.

Zaleak aipatu dituzunez, gehiagi konfiatu eta Anoeta beteko ez den beldur zarete?

Ez, ez dut uste, inolaz ere ez. Joaneke partiduan garbi geratu



Aitor Lopez Rekarte.

JAGOBA MANTEROLA

zen kanporaketa ez dela erraza izango. Erraz irabazten joan eta gero, gauzak zail jarri zitzaizkigun. Beraz, zaleek erantzungo dutela uste dut, orain arteko partiduetan beti erantzun izan duten moduan. Errealzaleak Anoetara etorri eta taldea animatuko dutela uste dut. X

Itzuliko partidua zailak Stuttgart, Werder Bremen eta Liverpoolentzat

■ Atletico de Madrid eta Glasgow Rangers taldeek eskura dute final-zortzirenetako sailkapena

Erredakzioa / Donostia

EUROPAKO talde ezagun eta historikoak kanporatuak izan daitezke UEFAko bigarren kanporaketa honetan. Arrisku handiena Alemaniako hiru taldek dute. Bayer Leverkusenek du zeregin zailena, Glasgow Rangersen aurka. Joaneke partiduan 1-2 nagusitu ziren eskoziarrak, eta sailkapena eskura dute. Leverkusen sangoak itxaropentsu daude, Alemaniako Ligako azken partiduan 8-2 irabazi baitzioten Borussia Moenchengladbach taldeari. Stuttgartek golen bat sartu beharko du Brujasen joaneke banako berdinketa hobetzeko. Werder Bremenek ere lan handia egin beharko du Olympique Marsella kale-ratzeko. Duela bi aste bana berdindu zuten Bremen hirian.

Liverpoolek ere partidua bikaina egin beharko du Valenciari irabazteko. Joaneke partiduan, Anfield Road estadioan 0-0 berdindu zuten, baina Valencia nagusitu zen. Bere herrietako Ligan ere Ranieriren Valenciak emaitza hobeak lortu ditu azken bi jardunaldietan. Aston Villak, osterat, 0-1 irabazi zuen Vigon, baina plantilla bikaina duen Celtak ez dio sailkapena erraztuko.

Norgehiagoka errazena Atletico de Madridek du. 2-4 irabazi zuen Sofian joaneke partiduan, eta ez luke arazo handirik eduki behar. Florentinak ere bideratuta du Grasshoppersen aurkako kanporaketa -2-0 joaneke partiduan-, Italiako Ligan lidergoa galdu arren. Beste kanporaketetan parekotasun handia dago. Guztietan erakargarriena Leeds eta Romaren aurkako partidua izango da. Lehia bizia, duela bi aste italiarrek 1-0 irabazi zutela aintzat hartuta. X

beste lehiak

UEFA-ko final-hamaseirenak

Valencia-Liverpool	0-0
Slavia Praga-Bolonia	1-2
Brujas-Stuttgart	1-1
Girondins-Vitesse	1-0
Parma-Wisla Cracovia	1-1
Monaco-Grazer AK	3-3
Zurich-Celtic Glasgow	1-1
Olympique Lyon-Izar Gorria	2-1
Aston Villa-Celta	1-0
Florentina-Grasshoppers	2-0
Leeds-Roma	0-1
At. de Madrid-CSKA Sofia	4-2
O. Marsella-Werder Bremen	1-1
Betis-Willem II	1-1
Glasgow Rangers-B. Leverkusen	2-1